



今年學生節，醫學院勇奪院際白欖劇比賽冠軍，並奪得最佳劇本獎，一時傳為佳話。當晚評審的評語是「一對一對唱出，整齊而活潑生動，更能代表每一年同學的縮影，方式很好。」及「層次最佳，各科分明，同時亦節奏緊湊。劇本更能按部就班地寫出一個好醫生的成長，十分恰當。」為讓各同學都能欣賞，啓思記者特「刊出」全文：

（今晚點解咁人齊，皆因港大嘅Union Night，唱歌彈琴唔在講，重有MEDIC嚟講古仔。）

首先聽我講

八五啱啱入咗嚟，點知日日五六堂，

有啲講師唔用咪，番去宿舍搵大仙，

輪到我地二年班，稔起決戰嘅前夕，

（喂，你地講乜鬼？）

重以為功課冇乜所謂；食飯前重要割屍體。

銀幕啲字細過隻蟻；點知成班都係廢。

MB經過咗一關，刨書刨到眼坦坦。

上堂NOTE屎抄到足，雖然唔知佢講乜鬼。

（喂！細路仔，咪亂嚟，其實你地抄得曳。不過唔駛騰鷄，得閒參加多啲活動，用功讀書慢——慢——嚟！）

好彩終於升到班，行為科學唔簡單，

但係都算好得閒，識吓女仔真係盞。

打波游水有時間，第日做醫生唔駛咁潺。
八三而家新上WARD，見到病人心驚驚，
拿起聽筒周圍FING，FING到D PATIENT陀陀令。
平時自己以為好醒，DOCTOR問起眼瓊瓊。
上晝堂係QM, 下晝去廣華睇街症，
上午堂上到瞌眼瞓，不如去搵周公傾。
輪到我們四年級，回想三年級多嘢噏，
參加活動獲益多，認中關社相結合。
體育活動有潛質，琴棋書畫都駛得，
讀書亦都有D心得，見到病人都唔駛騰。
（FINAL同學百幾人有乜唔識搵佢地問，
雖然年資係最高，但係唔會鬼咁沙塵。）
一年專科嘅實習，學埋D嘢都唔算豆泥。
兒科D細路嘈喧巴閉，搞吓佢地又話唔制，
鈴鈴鐺鐺都出齊，終於全靠兩粒糖仔，
任你點玩都有計。
跟住又要去執仔，半夜三更一樣禮，
D媽媽用力我地打氣，搞掂之後，唉（多謝各位！）
婦科門診冇乜好睇，唔係流血生病就係落仔。
精神科，一齊開鑼，總之係口水多，

但係越來越重要，大家唔會得過且過。

內科三日一次CALL，企到腳軟都未得收科，

讀書上WARD重俾人鋤，真材實料冇得打茅波。

外科一味係理論多，但係考試都唔易過，

參觀手術學嘢多，刀法如神唔會切錯。

（陳蕉琴起咗間屋仔，醫科牙科玩埋一齊，

設備當然唔多夠駛，讀書環境都唔算曳。

得閒可以傾吓偈，天下大事無所不提。

希望做個好——醫——生，學習生活同舟共濟。

我地成FAC八百幾人，齊齊歡迎你地嚟睇！你地嚟睇！

拾趣

有四位同學「較腳」後感到內疚和後悔。

有四位同學認為「較腳」會帶來disastrous effect。

有人認為「較腳」可以avoid emotional trauma and possible emergence of learned helplessness，如此懂得活學活用，Behav的人一定會很高興。

1983 卷 15 期 3